

FESTA PROPRIA
DICECESEOS MISNENSIS

A SACRA RITUUM CONGREGATIONE
REVISA ET APPROBATA DIE 7 JUNII 1951

PARS AUTUMNALIS

Lizenz Nr. 489/22/52

ST. BENNO-VERLAG, G. m. b. H., Leipzig
Satz u. Druck: F. W. Cordier, Heiligenstadt

Misnensis

Præsens Kalendarium, iuxta Rubricas et Decreta novissima redactum, Sacra Rituum Congregatio, vigore facultatum sibi specialiter a Sanctissimo Domino Nostro Pio Papa XII tributarum, revisione rite peracta, recognovit ac probavit, illudque in dioecesi Misnensi adhiberi concessit: servatis de cetero Rubricis et Decretis, præsertim quoad festa Dedicacionis et Titularis Ecclesiarum nec non Patronorum cuiusque loci. Quod vero spectat ad Sanctos, vel Beatos, qui neque in Romano Martyrologio descripti sunt, neque publico cultu a Sancta Sede decreto vel ab eadem confirmato potiuntur, viget Decretum Sacræ Congregationis diei 28 Aprilis 1914, iuxta quod Eos, si in locis particularibus ex immemorabili consuetudine publico ac religioso cultu honorentur, in Kalendario servare liceat, signo aliquo seu asterisco notatos; quo ex inscriptione eorum cultus neque approbatus neque ipsi æquipollenter beati habeantur. Contrariis non obstantibus quibuscumque.

Die 7 Junii 1951.

(L. S.)

† **C. Card. Micara**, Pro-Præf.

† **Alfonsus Carinci**,

Archiep. Seleuc., Secretarius

APPROBATIO

Concordat cum Originalibus.

Budissæ, die 26. Aprilis 1953

† Henricus
Eps. Misnensis.

KALENDARIUM PERPETUUM

Omnia ut in Kalendario Ecclesiæ universalis, exceptis diebus infra descriptis.

September

- 17 S. Hildegardis Virg., duplex. Com. Impressionis sacrorum Stigmatum S. Francisci Conf., duplex.
25 S. Lamberti Ep. et Mart., simplex.

October

- 10 S. Francisci Borgiae Conf., semiduplex. Com. Ss. Gereonis et Sociorum Mm.
16 S. Hedwigis Vid., duplex majus.
21 Ss. Ursulae et Sociarum Vv. et Mm., duplex. Com. S. Hilarionis Abbatis.

November

- 5 Sacrarum Reliquiarum quæ in ecclesiis Dioceseos asservantur, duplex majus. Com. Oct. Omnium Sanctorum.
7 De Octava Omnium Sanctorum, semiduplex. Commemoratio S. Willibrordi Ep. et Conf.
19 S. Elisabeth Vid., duplex II classis.
25 S. Catharinae Virg., duplex majus.
26 S. Silvestri Abbatis, duplex. Com. S. Conradi Ep. et Conf. ac S. Petri Alexandrini Ep. et Mart.
Feria III post Dominicam diem 11 Novembris subsequentem — Dedicatio Ecclesiæ Cathedralis Budissinen., duplex I classis cum Octava communi.
Feria III subsequenti — Octava Dicationis Ecclesiæ Cathedralis Budissinen, duplex majus.

FESTA PROPRIA

DICECESEOS MISNENSIS

PARS AUTUMNALIS

Die 17 Septembris
S.Hildegardis Virginis
Duplex

In I Vesperis

Capit. 2 Cor. 10, 17-18

Fratres: Qui gloriátur,
in Dómino gloriétur.
Non enim qui seípsum
comméndat, ille probátus
est: sed quem Deus com-
méndat.

Hymnus

Salve, nostra tu glória,
Exémplar es quæ Vir-
ginum!

Audi benígna súplices
Tibi canéntes cánticum.

O virgo, quæ mirábilis
Vixísti amoris víctima,
Et nunc beáris fúlgidis
Cæli recépta sédibus.

Vitæ per æquor túrbi-
dum
Tuos cliéntes dírige,
Nobisque amícum cóm-
para,
Cui te revínxit grátia.

Sicut dolos intérrita
Vicísti, et artes hóstium,
Et robur in discrimine
Sumens, nitébas púlchri-
or:

Sic bella nos quot ín-
gruunt

Da, te favénte, fúndere,
Virtútis almæ ac sémitam
Vultu seréno cúrrere.

Alat repóstam méntibus
Fidem supérna cáritas;
Mores adórnet áureos.
Intemeráta cástitas.

* Summo Parénti ac Fílio
Tibíque, Sancte Spíritus,
Sit laus, potéstas, glória,
Per sempitérna sæcula.

Amen.

V. Spécie tua et pulchri-
túdine tua. R. Inténde,
próspere procéde, et reg-
na.

Ad Magnif. Ant. Hilde-
gárdis prophetíssa, * Spí-
ritus Sancti splendóribus
illustráta, vias Dómini re-
velávit.

Oratio

Deus, qui beatam Hildegardem Virginem tuam donis cælestibus decorasti: tribue, quæsumus; ut, ejus vestigiis et documentis insistentes, a præsentis sæculi caligine ad lucem tuam delectabilem transire mereamur. Per Dñm nostrum.

Et fit Commemoratio Ss. Cornelii Papæ et Cypriani Ep., Mm.:

Ant. Gaudent in cælis animæ Sanctorum, qui Christi vestigia sunt secuti: et quia pro ejus amore sanguinem suum fuderunt ideo cum Christo exsultant sine fine.

V. Exsultabunt Sancti in glória. R. Lætabuntur in cubilibus suis.

Oratio

Beatórum Mártyrum pariterque Pontificum Cornélii et Cypriani nos, quæsumus, Dómine, festa tueantur: et eórum commendet oratio veneranda. (Per Dñm nostrum.)

Deinde Commemoratio Impressionis Ss. Stigmatum S. Francisci Conf.:

Ant. Similábo eum viro sapiénti, qui ædificávit domum suam supra petram.

V. Signásti, Dómine, servum tuum Franciscum.

R. Signis redemptionis nostræ.

Oratio

Dómine Jesu Christe, qui, frigescente mundo, ad inflammandum corda nostra tui amoris igne, in carne beatissimi Francisci passionis tuæ sacra Stigmata renovásti: concede propitius: ut ejus méritis et précibus crucem júgiter feramus, et dignos fructus poenitentiae faciámus: Qui vivis et regnas.

In II Nocturno

Lectio iv

E Breviario Monastico Ordinis S. Benedicti

Hildegardis in Palatiná-tu inferióre, ex patre Hildebérto, matre Mechtilde, géneris nobilitate ac pietatis fama conspicuis orta, ténera in ætate miris jam visionibus illustrata désuper, spretis mundi hujus oblectamentis, octennis sub regimine agnatæ suæ Juttæ, sanctissimæ

Abbatissæ, in montem sancti Disibodi consepe-
lienda Christo secéssit. Monásticum dein institú-
tum professa, admirándis paulo post divínæ grátiae
signis innótuit. Contínuo fere acutíssimis excócta
ægritudínibus, patientiæ exéplum ita univér-
sis exhibuit, ut tota ipsíus vita Christo confixa cruci,
quædam diútini fúerit imágo martýrii. E vivis
subláta beáta Jutta, Hildegárdis licet renítens in
ejus loco suffécta est. Quo in múnere sorórum neces-
sítatibus ómnibus, eárum máxime quæ consciéntia
utcúmque laborábant, per-
amánter providéque consulébat. Cum autem ejus
monastérium nímiã moniá-
lium numerosítatem ut
cáperet, jam esset insuffí-
ciens, ad álium montem, a
sancto Rupérto nuncupá-
tum, cum plúrimis ex illis
conténdit, ibíque sedem
fixit Abbatíalem. Quadra-
gínta círciter annos nata
ígneo túrbine ac lúmine
prodigióso cælitus illápso

mirífice illustráta, donum
intelligéntiæ ac expositió-
nis sacrárum Scripturárum
singulári Dei beneficio ac-
cépit. Jussa item, voce ad
ipsam e súperis emíssa,
quæ de cétero vidére et
audíre mererétur, sédulo
sçriptis mandáre, cum id
detrectáret, a Númine có-
gitur. Scribere proin ag-
gréssa, de posteritáte om-
ni ætérnum mérui: libros
quippe confécit exímios ac
plane cæléstes, ex quibus
eam a Spírítu Sancto edóc-
tam fuisse dignóscitur.

R. In caritáte perpétua
diléxit Hildegárdem Dó-
minus: ídeo attráxit eam
ab infántia, et duxit in so-
litúdinem: * Et locútus
est ad cor ejus. V. Spon-
sávit eum sibi in sempitér-
num in fide et in miseri-
córdia. Et.

Lectio v

Prophetiæ affláta spíri-
tu, multis ad se ex di-
vér-
sís et remotíssimis re-
gió-
nibus confluéntibus mi-
ra omníno prædicébat, eo-
rúmque cogitatiónes et oc-
cultióra córdium secréta

inspiciébat: quosdam étiam perversa vel fraudulénta mente ad se accedéntes redarguébat; qui corrépti et emendáti, ad saniórem ánimum illico redíre cogebántur. Nemo ad illam umquam se cóntulit, qui ejus salutáribus mónítis instrúctus, cum vitæ melióriis propósito non recésserit. Divíno intérea sæpius impúlta Spírítu, Colóniam, Trévirim, Metas, Herbípolim, Bambérgam, aliáque loca diversíssima, apostólico zelo exæstuans ádiit, et quæ sibi divínitus fúerant reveláta, Deo præcipiénte audentíssime annuntiávit. Hæréticos verbis ac scriptis stupénda auctoritáte et grátia confutávit ac profligávit: Catharórum imprímis pestilentíssimam hæresim, quæ tunc in aliquibus Germániæ provinciis fautores suos habébat, nec non repullulascéntem Berengárii errórem doctíssimo libro sanctíssima múlter elúsit atque convícit. Illam melífluus Doctor Ecclésiæ

sanctus Bernárdus tantifecit ejúsque divína scripta ea prosecútus est veneratióne, ut ipso potíssimum agente a detractiónibus adversántium vindicáta, étiam a Summo Pontífice Eugénio tértio, in Concílio Trevirénsi, Cardinálibus et Episcopis multis præsentibus, pública fúerint senténtia confirmáta.

R. Placébat sibi in infirmitátibus et angústis pro Christo: * Et váriis licet languóribus vexáta, ómnibus, qui in pressúra erant, caritátis solátium impendébat. V. Cum infirmabátur, tunc potens erat. Et.

Lectio vi

Ecclésiæ dénique univérsæ, assíduis labóribus, et sanctíssimæ vitæ exémplo mirum in modum consúluit; ita nempe ut Eugénius tértius, tresque subsequéntes Románi Pontífices, Episcopi non pauci, Imperatóres, aliíque summi Príncipes Gállia, Germániæ, Itáliæ, atque sanctíssimi quivis et eruditíssimi viri, in gra-

víssimis quibúsq; negotiis, illius consílium exquirerent, ejúsque précibus Románam Ecclesiám, Imperium, et suam quisque provinciám ac seípsum commendarent; dénique post innúmera virtútum ac sciéntiæ divínitus infúsæ insígnia, cælestium revelatiónum et miraculórum grátia illústris, anno ætátis suæ octogésimo secúndo, cum mortis suæ horam a Deo mónita prædixisset, migrávit ad Sponsum décimo quinto Kaléndas Octóbris, anno Dómini millésimo centésimo septuagésimo nono: vere ac mérito ingens vocáta sexus muliébris, immo Germániæ, Ordinis sancti Benedícti et Ecclesiæ miráculum, atque orbis univérsi oráculum. Ejus sacrum corpus in ecclesiá primum sancti Rupérti juxta Bingam cónditum, dein bello tricennáli Colóniam asportátum, postrémo in Ecclesiám Eibingénsis monastérii ab ipsa fundáti translátum est, ubi anno salutis millésimo

octingentésimo quinquagésimo séptimo solémniter recógnitum, summa fidélium veneratióne cólitur.

R. Apparuerunt cælestes spíritus, qui Hildegárdem ad Agni núptias invitábant, dicéntes: * Veni, Dómina, quia te exspectant cæli delíciæ. V. Veni de Líbano, sponsa; veni de Líbano; veni, coronaberis. Veni. Glória Patri. Veni.

In III Nocturno

Léctio sancti Evangélii
secúndum Matthæum

Lectio vii Cap. 25, 1-13

In illo témpore: Dixit Jesus discipulis suis parabolam hanc: Símile erit regnum cælórum decem virgínibus: quæ accipiéntes lámpades suas, exierunt óbviám sponso et sponsæ. Et réliqua.

Homília sancti Augustíni
Epísopi

De S. Virginit. c. c. 25, 29, 30

Pérgite itaque, Sancti Dei, púeri ac puéllæ, mares ac féminæ, cælibes ac nuptæ; pérgite perseverántes in finem. Laudá-

te Dóminum dúlcius, quem cogitátis ubérius; speráte felicius, cui servítis instántius; amáte ardéntius, cui placétis atténtius. Lumbis accíntis et lucérnis ardéntibus exspectáte Dóminum, quando véniat a nuptiis. Vos afferétis ad nuptias Agni cánticum novum, quod cantábitis cítharis vestris, quale nemo póterit dícere nisi vos. Sic enim vos vidit in Apocalýpsi quidam, præ céteris diléctus Agno, qui discumbere super pectus ejus sólitus erat, et bíberat et eructábat mirábilia super cæléstis Dei Verbum. Vos Agnum sequímini tenéndo perseveránte quod volústis; ardénte fácite cum potéstis, ne virginitátis bonum a vobis péreat, cum fácere nihil potéstis, ut rédeat. Vidébit vos cétera multitúdo fidélium, quæ Agnum ad hoc sequi non potest; vidébit, nec invidébit, et collætándo vobis, quod in se non habet, habébit in vobis.

R. Cum beáta Hildegárdis veheménte cúperet dissólvi, et esse cum Christo, apparuit ei Sponsus, quem diligébat: * Qui eam ad cæléstem thálamum tradúxit. V. Quæ est ista, quæ ascéndit de desérto, delíciis áffluens, inníxa super diléctum suum. Qui.

Lectio viii

Præsúmíte itaque, fídite, roborámini, permanéte, qui vovétis et rédditis Dómino Deo vestro vota perpétuæ continétiæ, non propter præsens sæculum, sed propter regnum cælórum. Vos étiam, qui hoc nondum vovístis, qui potéstis cápere, cápite; perseveránte cúrrite, ut comprehendátis. Tóllite hóstias quisque suas, et introíte in átria Dómini, non ex necessitáte, sed potestátem habénte vestræ voluntátis. Cogitáte quidquid illud est: In muro ejus locum nominátum, meliorem multo quam filiórum atque filiárum. Cogitáte illic nomen ætérnum. Quis éxplicat quale

nomen erit? Quidquid tamen erit, ætérnum erit. Hoc credéndo et sperándo et amándo potuístis conjúgia, non devitáre prohibita, sed transvoláre concessa.

R. O Sponsa Christi nóbilis! O mater venerábilis! intercéde pro nobis ad Dóminum, Regem Angelórum, quem semper puro corde dilexísti, in cujus ampléxibus sine fine pérmanes: * Ut remíttat nobis ómnia, quæcúmque in ipsum peccávimus: V. Tribuens nobis fervórem amóris sui sanctíssimi, et post hoc exsílium mansiónem cæléstis habitáculi. Ut. Glória. Patri. Ut.

In Feriis Quatuor Temporum Lectio IX de Homilia Ferie et fit ejus Commemoratio in Laudibus tantum; alias

Pro Impressione Ss. Stigmatum S. Francisci Conf.:

Lectio ix

Franciscus singulári privilegio retroáctis sæculis non concessó insignítus apparuit, cum sacris Stigmatibus decorátus de-

scéndit de monte, secum ferens Crucifíxi effígiem, non in tábulis lapídeis vel lígneis manu figurátam artificis, sed in cárneis membris descriptam dígito Dei vivi. Quóniam sacraméntum regis seráphicus vir abscóndere bonum esse óptime norat, secréti regális cóncius, signácula illa sacra pro víribus occultábat. Verum, quia Dei est ad glóriam suam magna reveláre quæ facit, Dóminus ipse, qui signácula illa secréte imprésserat, mirácula quædam apérte per ipsa monstrávit; ut illórum occúlta et mira vis Stigmatum manifésta patéret claritáte signórum. - Porro rem admirábilem ac tantópere testátam atque in pontificiis diplomátibus præcipuis láudibus et favóribus exaltátam, Benedictus Papa undécimus anniversária solemnitáte celebrári vóluit: quam póstea Paulus quintus Póntifex Máximus, ut corda fidélium in Christi crucifíxi accenderéntur amórem, ad

univérsam Ecclésiám propagávit.

Te Deum laudámus.

Ad Laudes

V. Diffúsa est grátia in lábiis tuis. R. Proptérea benedíxit te Deus in ætérnum.

Ad Bened. Ant. O digníssima Christi sponsa! * quam lux prophetiæ illustrávit, zelus apostólicus inflammávit, láurea vírginum coronávit, divíni amoris incéndium consummávit.

Oratio

Deus, qui beátam Hildegárdem Vírginem tuam donis cæléstibus decorásti: tríbue, quæsumus; ut, ejus vestígiis et documéntis insistentés, a præséntis sæculi calígine ad lucem tuam delectábilem transíre mereámur. Per Dóminum nostrum.

Et fit Commemoratio Impressionis Ss. Stigmatum S. Francisci Conf.:

Ant. Euge, serve bone et fidélis, quia in pauca fuísti fidélis, supra multa te constítuam, intra in gáudium Dómini tui.

V. Justum dedúxit Dóminus per vias rectas. R. Et osténdit illi regnum Dei.

Oratio

Dómine Jesu Christe, qui, frigescénte mundo, ad inflammándum corda nostra tui amoris igne, in carne beatíssimi Francisci passiónis tuæ sacra Stigmata renovásti: concéde propítius; ut ejus méritis et précibus crucem júgiter ferámus, et dignos fructus pœniténtiæ faciámus: Qui vivis et regnas.

Vesperae a Capitulo de S. Josepho a Cupertino Conf. ut in Brevariario.

Et fit Commemoratio præcedentis:

Ant. Súbveni nobis, Hildegárdis virgo sanctíssima, ætérni regis sponsa, in cujus aula splendéscis sicut stella fulgentíssima.

V. Diffúsaet Oratio Deus, qui beátam, ut supra.

Deinde Commemoratio Impressionis Ss. Stigmatum S. Francisci Conf.:

Ant. Hic vir despiciens mundum et terréna, triúmphans, divítias cælo cóndidit ore, manu.

V. Signásti, Dómine, ser-
vum tuum Francíscum.
R. Signis redemptiónis
nostræ.

Oratio

Dómine Jesu Christe,
qui, frigescente mun-
do, ad inflammándum cor-
da nostra tui amóris igne,
in carne beatíssimi Fran-
císci passiónis tuæ sacra
Stigmata renovásti: concé-
de propítius; ut ejus méritis
et précibus crucem jú-
giter ferámus, et dignos
fructus pœnitentiæ faciámus:
Qui vivis et regnas
cum Deo Patre in unitate
Spíritus Sancti Deus: per
omnia sæcula sæculórum.
R. Amen.

Die 25 Septembris

S. Lamberti

Episcopi et Martyris

Simplex

In II Vesperis B. Mariæ de
Mercede Com. S. Lamberti
Ep. et Mart.:

Ant. Iste Sanctus pro
lege Dei sui certávit ús-
que ad mortem, et a ver-
bis impiórum non tímuit;
fundatus enim erat supra
firmam petram.

V. Glória et honóre coro-
násti eum, Dómine. R. Et
constituísti eum super ó-
pera mánuum tuárum.

Oratio

Deus, qui hujus diéi ve-
nerándam solemnitá-
tem in beáti Lambéti Már-
tyris tui atque Pontificis
tránsitu decorásti, adésto
familiæ tuæ précibus, et
da: ut, cujus hódie festa
celebrámus, ejus méritis
et intercessiónibus adju-
vémur. Per Dóminum.

Lectio iii

Lambértus ex insigni pro-
jecténsi ortus, et a sanc-
to Theodádo Trajecténsi
episcopo ad omnem pie-
tátem informatus, pom-
pam sæculi magno calcá-
bat ánimo, et quidquid
habére póterat, in páupe-
res erogábat. Episcopo
ab impiis interfécto, ab
univérſa plebe, licet várie
relúctans in episcopum
assúmitur. Quem ápicem
adéptus ipsa étiam stú-
duit pietátis ópera augé-
re. Childeríco Francórum
rege, qui eum præcípuo

honóre prosequébatur, ab ínvídis occíso, Lambértus per Ebroínium tyránnum e sede sua exturbáatur. Itaque in monastério Stabulénsi per septénnum mónachi vitam agens, post interfectiónem Ebroíni, summa ómnium gratulatióne revocatús, ad própriam sedem est revér-sus. Demum cum Pipínium regem ob péllicem, quacum, repudiáta cónjuge, vivébat, líbere increpáret; illa moléste ferens regem a sui amóre revocári, per Dodónem fratrem curat sanctum episcopum ante altáre, bráchiis instar Crucifixi expánsis, occídi. Cujus sacrum corpus Trajécti prius tumulátum, per sanctum Hubértum ejúsdem discipulum, in villam Lé-giam, ubi occísus fúerat, translátum est.

Te Deum laudámus.

Ad Laudes

Ant. Qui odit ánimam suam in hoc mundo, in vi-

tam ætérnam custódit eam.

V. Justus ut palma florébit. R. Sicut cedrus Líbani multiplicábitur.

Oratio

Deus, qui hujus diéi venerándam solemnítatem in beáti Lambérti Mártiris tui atque Pontíficis tránsitu decorásti; adésto familiæ tuæ précibus, et da: ut, cujus hódie festa celebrámus, ejus méritis et intercessiõnibus adjuvémur. Per Dóminum nostrum.

Die 10 Octobris

In Festo S. Francisci Borgiae

Commemoratio

Ss. Gereonis et Soc.

Martyrum

In II Vesperis praecedentis (S. Leonardi Conf.) post Com. S. Francisci Borgiae Conf. e Breviario fit Com. Ss. Gereonis et Sociorum Mm.:

Ant. Istórum est enim regnum caelórum, qui contempserunt vitam mundi, et pervenerunt ad praemia regni, et laverunt stolas suas in sanguine Agni.

V. Laetámini in Dómino et exsultáte, justi. R. Et gloriámini, omnes recti corde.

Oratio

Deus, qui nos ánnua beatorum Mártýrum tuorum Gereónis, Victóris, Cássii, atque Floréntii, Sociorúmque eórum solemnitate lætificas; præsta, quæsumus: ut, quorum gaudemus méritis, instruámur exémpis. Per Dóminum nostrum.

Lectio ix

Beátus Géreon ejúsque sócii trecéti decem et octo passi sunt sub Diocletiano et Maximiano imperatoribus, quos in campis Colóniæ Agrippinæ civitatis assecúti carnifices univérsos eádem Christi fide armátos obruncá- runt in loco, qui ab incolis Ad Mártýres dicitur; ubi in præáltum púteum conjecérunt occisorum corpora. Intérea cohors illa trecentórum ac trigínta Christianórum, quæ beátum Victórem comitabatur, pervénerat ad Francórum óppidum, quod ex majórum sédibus Trojam nuncupábant, ubi fixis per prata castris, óbruti sunt

a superveniéntibus Thebæórum tyránnis; qui occisis univérsis, corpora eórum in locis palústri- bus submersérunt. Eódem tempore trecéti quinquagínta Christiáni mílites qui ex Mauritánia Africæ regione ad eósdem Gállicos tumúltus sedándos evocáti, navígio descenderunt, pro fide trucidáti, eámdem cum beáto Gereóné, ejúsque sóciis cóporum quiétem et veneratió- nem reperérunt Colóniæ. Hélena autem, Constantíni mater, accépta a filio potestáte sublimándi sepultúras Mártýrum: ipsórum honóri magnificam et dívitem basilicam exædificávit.

Te Deum laudámus.

Ad Laudes pro Com. Ss. Gereonis et Sociorum Mm.:

Ant. Vestri capilli cápitis omnes numeráti sunt: nolíte timére: multis pas- sibus melióres estis vos.

V. Exsultábunt Sancti in glória. R. Lætabúntur in cubílibus suis.

Oratio Deus, qui nos, ut supra.

Die 16 Octobris
S. Hedwigis Vid.

Duplex majus

Omnia ut in Breviario præter ritum.

Die 21 Octobris
Ss. Ursulæ et Sociarum
Virginum et Martyrum

Duplex

Capitulum et Hymnus de Laudibus. 21*

V. Deus meus, impo-
luta via ejus. R. Protec-
tor est omnium speranti-
um in se.

Ad Magnif. Ant. Ego
Dóminus * dabo eis no-
men melius a filiis et filia-
bus: nomen sempiternum
dabo eis, quod non peribit.

Oratio

Da nobis, quæsumus,
Dómine, Deus noster,
sanctarum Virginum et
Martyrum tuarum Ursu-
læ et Sociarum ejus pal-
mas incessabili devotio-
ne venerari: ut, quas digna
mente non possumus ce-
lebrare, humilibus saltem
frequentemus obsequiis.
Per Dóminum.

Et fit Com. S. Joannis Can-
till Conf.:

Ant. Hic vir despiciens
mundum et terræna, tri-
umphans, divitias cælo
condidit ore, manu.

V. Justum deduxit Dó-
minus per vias rectas. R.
Et ostendit illi regnum
Dei.

Oratio

Da, quæsumus, omnipo-
tens Deus: ut, sancti
Joannis Confessoris ex-
emplo in scientia Sanc-
torum proficientes, atque
aliis misericordiam exhi-
bentes, ejus meritis indul-
gentiam apud te conse-
quamur.

Deinde Com. S. Hilarionis
Abbatis:

Ant. Similabo eum viro
sapienti, qui ædificavit
domum suam supra pe-
tram.

V. Amavit eum Dó-
minus, et ornavit eum.
R. Stulam gloriæ induit
eum.

Oratio

Intercessio nos, quæsu-
mus, Dómine, beati Hi-
lariónis Abbatis commén-
det: ut, quod nostris mé-

ritis non valémus, ejus patrocínio assequámur. Per Dóminum.

Ad Matutinum

Invit. Regem Vírginum, Dóminum, * Veníte, adorémus.

Ps. 94 Veníte, exsultémus.

Hymnus

Vox sonat Sponsi: Diutúrna cessit
Nunc hiems, tristes abiére nimbi,
Ver adest, flores rédolent: parátæ
Súrgite, Sponsæ.

Obviam Jesu properáte ovántes,
Vírignes: vestrum caput ipse cinget
Líliis: secum thálamo recéptas
Ipse beábit.

Vos enim nullus labor hoc in orbe
Térruit, Sponsi mémores amántis;
Hujus et causa tolerástis ultro
Aspera quæque.

Ipse, qui vobis móriens supérnas

Addidit vires, simul edomáre

Córpóris sexum dedit, et cruéntas

Víncere pugnas.

Hinc fidem Christo, semel obligátam,

Usque servástis; rutilátque vestra

Impigre lampas, nihil imbre et atris

Victa procéllis.

Terra nunc vobis patet, unde curæ

Exsultant omnes, ubi nil opácat

Límpidi cæli fáciem, perénnis

Sol ubi fulget.

Summa laus Patri, genitóque Verbo,

Et tibi, compar utriúsque virtus,

Spíritus ! semper, Deus unus, omni

Témporis ævo. Amen.

In II Nocturno

Lectio iv

Dum sæculo quinto fere médio Attila Hunnórum dux a prima sua in Gállias irruptióne, ubi ad Cataláunum profligátus fúerat, in Pannóniam re-

vertebátur, ántequam Rhe-num trajiceret, nobilíssimam urbem Colóniam Agrippínam aggréditur, et ob ódium cathólicæ religi-ónis quæ ibi máxime flo-rébat eam rapína ac cæ-dibus vastábat. Sævíssimo autem ímpetu bárbari libídine æstuántes in vírgines puéllas irruébant, quæ a Británnia emigrán-tes ibídem commorabán-tur, inter quas præclarís-sima éxstitit Virgo Ursula nómine, quæ céteras hor-tabátur sócias, ómnia pó-tius subíre torméнта, mor-témque crudelíssimam obí-re, quam virginális pu-dicítiae detriméntum pati.

R. O quam pulchra est casta generátio cum clarítate: immortalis est enim memória illius: * Quóniam et apud Deum nota est, et apud hómines. V. Cum præsens est, imítan-tur illam: et desíderant eam, cum se edúxerit. Quóniam.

Lectio v

Cum nóbile hoc virgí-neum agmen constan-tíssime Hunnis restitisset, partim ab ipsis gládio trucidátæ, partim sagit-tis transfíxæ, partim véctibus contúsæ mártýrium consummáru(n)t. Ursula vero super cómitum suárum velut cæléstium mar-garitarum acérvum glori-ósa víctima procúbens, púrpura pro fide et castítate fusi sánguinis de-coráta, exércitum gémi-nis virginitátis et fidei co-rónis insígnem in cæ-lum triúmphans introdú-xit. Postquam vero sæva barbarórum procélla de-flúxit, Colónienses supér-stites vírginum aliorúm-que cívium mártýrum cór-pora ut pretiósá pínora collegérunt, et summo ho-nóre condidérunt.

R. Oleum effúsum no-men tuum, ídeo adole-scéntulæ dilexérunt te: * Trahe me: post te cur-rémus in odórem unguen-tórum tuórum. V. Speci-

ósus forma præ fíliis hó-
minum, diffúsa est grátia
in lábiis tuis. Trahe

Lectio vi

In agro virgíneo sángu-
ine rubro, in quo sa-
cra quies Martýribus da-
ta fuit, basílica ædificáta
est, jam médio sæculo
séptimo sanctárum Vírgi-
num dicta, ob quarum
reveréntiam nullum exín-
de cadáver humánum il-
lic tumulabátur. Quæ sæ-
culo nono monastérium
facta iníto décimi moni-
áles ob metum Hunga-
rórurum prófugas recépit,
semper ab ínclytæ civi-
tátis præsulibus liberáli-
ter dotáta et pie visitá-
ta. Conspiciúntur usque
in hunc diem ecclésiæ
sæpe restaurátæ muri
Mártyrum lóculis úndi-
que exornáti, dum major
reliquiárum pars intra
chori paríetes et sub pa-
viménto látitant; cernún-
tur in próximo oratório
innúmera vírginum cápi-
ta martýrii vestígiis par-
tim insigníta, partim crí-
nibus sanguinoléntis tec-

ta. Hæc sacra pínora
prætéritis tempóribus pi-
is peregrinatióibus fidé-
les prosecúti sunt.

R. Impleat Deus omne
desidérium vestrum, * Se-
cúndum divítias suas in
glória, in Christo Jesu.
V. Ut clarificétur nomen
Dómini nostri Jesu Chri-
sti in vobis, et vos in il-
lo. Secúndum. Glória Pa-
tri. Secúndum.

In III Nocturno

Léctio sancti Evangéllii
secúndum Matthæum

Lectio vii Cap. 25, 1-13

In illo témpore: Dixit
Jesus discipulis suis
parábolam hanc: Símile
erit regnum cælórum de-
cem virgínibus: quæ ac-
cipiéntes lámpades suas,
exiérunt óbviám sponso
et sponsæ. Et réliqua.

Homilía sancti Hilárii
Epíscopi

Comment. in Matth. cap. 27
n. 4—5

Lámpades igitur, ani-
márum splendéntium
lumen est, quæ sacramén-
to baptísmi splenduérunt.
Oleum, boni óperis est

fructus. Vasa humana sunt corpora, intra quorum viscera thesaurus bonæ conscientiæ recondendus est. Vendentes sunt hi, qui misericordia fideliū indigentes, reddunt ex se petita commēcia, indigentiae suæ scilicet satietate, boni operis nostri conscientiam veneūtes. Hæc enim indefessi luminis copiosa materies est, quæ misericordiæ fructibus et emēda est et recondēda. Nuptiæ, immortalitatis assumptio est, et inter corruptiōnem et incorruptiōnem ex nova societate conjunctio.

R. Magis satāgite, ut per bona opera certam vestram vocatiōnem et electiōnem faciatis: * Hæc enim facientes, non peccābitis aliquādo. V. Estote itaque prudentes, et vigilate in oratiōibus. Hæc.

Lectio viii

Mora Sponsi, pœnitentiæ tempus est. Expectantium somnus, credentium quies est, et in pœnitentiæ tempore mors

temporaria universorum. Nocte media clamor, cunctis ignorantibus tubæ vox est, Domini præcedentis adventum, et universos, ut obviam Sponso exeant, excitantis. Lampadum assumptio, animarum est redivit in corpora; earumque lux, conscientia boni operis elucens, quæ vasculis corporum continetur. Prudentes Virgines hæc sunt, quæ opportunum in corporibus operandi tempus amplexæ, in primum se occursum adventus Domini præparaverint. Fatuæ autem, quæ dissolutæ ac negligentes, præsentium tantum sollicitudinem habuerint; et immemores promissorum Dei, in nullam se spem resurrectionis extēderint.

R. Media nocte clamor factus est: * Ecce Sponsus venit, exite obviam ei. V. Prudentes Virgines, aptate vestras lampades. Ecce. Glória Patri. Ecce.

IX Lectio de S. Hilarione Abb. ut in Breviario.

Ad Laudes

Capit. 2 Cor. 4, 6-7

Fratres: Deus illúxit in
córdibus nostris ad
illuminatióem sciéntiæ
claritátis Dei, in fácie
Christi Jesu: habémus
autem thesáurum istum
in vasis fictílibus, ut sub-
límitas sit virtútis Dei,
et non ex nobis.

Hymnus

Iesu, coróna Vírginum,
Quem Mater illa cón-
cipit,

Quæ sola Virgo párturit,
Hæc vota clemens áccipe.

Qui pergis inter lília,
Septus choréis Vírginum.
Sponsus decórus glória,
Sponsísque reddens præ-
mia.

Quocúmque tendis, Vír-
gines

Sequúntur, atque láudi-
bus

Post te canéntes cúrssi-
tant,

Hymnósque dulces pér-
sonant.

Te deprecámur súppli-
ces,

Nostris ut addas sénsibus
Nesciré prorsus ómnia

Corruptiósni vúlnera.

Virtus, honor, laus gló-
ria

Deo Patri cum Fílio,
Sancto simul Paráclito,
In sæculórum sæcula.
Amen.

V. Vírgines laudent no-
men Dómini. R. Quia ex-
altátum est nomen ejus
solíus.

Ad Bened. Ant. Venit
Sponsus: * et Vírgines,
quæ parátæ erant, intra-
vérunt cum eo ad núp-
tias.

Oratio

Da nobis, quæsumus,
Dómine, Deus noster,
beatárum Vírginum et
Mártyrum tuárum Ursu-
læ et Sociárum ejus pal-
mas incessábili devotió-
ne venerári: ut, quas di-
gna mente non póssumus
celebráre, humílibus sal-
tem frequentémus obsé-
quiis. Per Dóminum.

Et fit Com. S. Hilarionis:

Ant. Euge, serve bone
et fidélis, quia in pauca
fuísti fidélis, supra multa
te constítuam, intra in
gáudium Dómini tui.

V. Justum deduxit Dóminus per vias rectas. R. Et osténdit illi regnum Dei.

Oratio

Intercéssio nos, quæsumus, Dómine, beáti Hilariónis Abbátis comméndet: ut quod nostris méritis non valémus, ejus patrocinio assequámur. Per Dóminum nostrum.

Ad Tertiam

Capit. 2 Cor. 4, 6-7

Fratres: Deus illúxit in córdibus nostris ad illuminatióem sciéntiæ claritátis Dei, in fácie Christi Jesu: habémus autem thesáurum istum in vasis fictilibus, ut sublimitas sit virtútis Dei, et non ex nobis.

R. br. Deus meus, * Impollúta via ejus. Deus. V. Protéctor est ómnium sperántium in se. Impollúta. Glória Patri. Deus.

V. Afferéntur Vírgines in lætítia et exsultatióne. R. Adducéntur in templum Regis.

Ad Sextam

Capit. 2 Cor. 4, 16

Propter quod non defícimus: sed licet is, qui foris est, noster homo corrumpátur; tamen is, qui intus est, renovátur de die in diem.

R. br. Afferéntur Vírgines * In lætítia et exsultatióne. Afferéntur. V. Adducéntur in templum Regis. In. Glória Patri. Afferéntur.

V. In nómine tuo, Dómine, exsultábunt tota die. R. Et in justítia tua exaltabúntur.

Ad Nonam

Capit. 2 Cor. 4, 17

Id enim, quod in præsénti est momentáneum et leve tribulatiónis nostræ, supra modum in sublimitáte ætérnum glóriæ pondus operátur in nobis.

R. br. In nómine tuo. Dómine, * Exsultábunt tota die. In. V. Et in justítia tua exaltabúntur. Exsultábunt. Glória Patri. In.

V. Vírgines laudent nomen Dómini. R. Quia exaltátum est nomen ejus solíus.

In II Vesperis

Ant. et Ps. de Feria currenti, Capit. et Hymnus de Laudibus. 21*

V. Vírgines laudent nomen Dómini. R. Quia exaltátum est nomen ejus solíus.

Ad. Magnif. Ant. Casta generátio * in perpétuum coronáta triúmphant, incoinquinatórum certáminum præmium vincens.

Die 5 Novembris Sacrarum Reliquiarum

quæ in ecclesiis Diœceseos asservantur.

Duplex majus

Capitula, Hymni et reliqua, quæ de Psalterio Ferie non sunt sumenda, dicuntur de Communi plurimorum Mm., præter sequentia.

Oratio

Auge in nobis, Dómine, resurrectionis fídem, qui in Sanctórum tuórum Relíquiis mirabilia operáris: et fac nos immortalis glóriæ participes, cujus in

eórum cinéribus pignora venerámur. Per Dóminum nostrum.

Et fit Com. præcedentis:

Ant. Amávit eum Dóminus, et ornávit eum: stolam glóriæ induit eum, et ad portas paradísi coronávit eum.

V. Justum dedúxit Dóminus per vias rectas. R. Et osténdit illi regnum Dei.

Oratio

Ecclésiám tuam, Dómine, sancti Cároli Confessoris tui atque Pontificis continúa protectióne custódi: ut, sicut illum pastorális sollicitúdo gloriósum réddidit; ita nos ejus intercéssio in tuo semper fáciat amóre fervéntes.

Deinde Com. Octavæ Omnium Sanctorum:

Ant. O quam gloriósum est regnum in quo cum Christo gaudent omnes Sancti, amícti stolis albis sequúntur Agnum quocúmque íerit.

V. Exsultábunt Sancti in glória. R. Lætabúntur in cubílibus suis.

Oratio

Omnípotens sempitérne Deus, qui nos ómnium Sanctórum tuórum mérita sub una tribuísti celebritáte venerári: quæsumus; ut desiderátam nobis tuæ propitiatiónis abundantiam, multiplicátis intercessóribus, largiáris. Per Dóminum.

In I Nocturno Lectiones de Scriptura occurrenti cum suis Responsóriis de Tempore.

In II Nocturno

Ex Tractátu sancti Joánis Damascéni de fide orthodoxa

Lectio iv

Liber 4, cap. 15

Christus Dóminus Sanctórum reliquias velut salutáres fontes præbuit, ex quibus plúrima ad nos benefícia manant, suavissimúmque unguéntum prófluit. Nec vero quisquam his fidem détrahat. Nam si aqua in desérto ex dura et áspera rupe, atque ex ásini maxílla, ad sedándam Samsónis sitim, Deo ita volénte, prosíliit, cur incredibile videátur

ex Mártyrum reliquiis unguéntum suáve scaturíre? Mínime certe iis, quibus Dei poténtia et honor, quo Sanctos suos áfficit, perspécta sunt et exploráta.

R. Sancti tui, Dómine, mirábile consecúti sunt iter, serviétes præcéptis tuis, ut inveniréntur illæsi in aquis válidis: * Terra appáruit árida: et in Mari Rubro via sine impediménto. V. Quóniam percússit petram, et fluxérunt aquæ, et torréntes inundavérunt. Terra.

Lectio v

In lege quidem, quisquis mórtuum tetígerat, immúndus censebátur. Hi verum in mortuórum número mínime sunt habéndi. Ex quo enim ille qui ipsa Vita est, et vitæ Auctor, inter mórtuos deputátus est: eos qui cum spe resurrectionis fidéque in ipsum obdormiérunt, nequáquam mórtuos appellámus. Qui enim mórtuum corpus miracula édere, queat? Quanam ígitur ratióne horum ópe-

ra dæmones expellúntur, morbi profligántur, ægróti sanántur, cæci visum recipiunt, leprósi mundántur, tentatiónes discutiúntur ac mæróres, omne dénique datum óptimum, iis qui fide non dúbia póstulant, per eos descéndit a Patre lúminum? Quid labóris non suscípias, ut patrónum nanciscáris, qui te mortáli regi ófferat, et pro te ad eum verba fáciat? An non ígitur ii honorándi, qui totíus géneris húmáni patróni sunt, Deóque pro nobis súpplíces preces ádhíbet?

R. Vérbera carníficum non timuérunt Sancti Dei, moriéntes pro Christi nómine: * Ut herédes fierent in domo Dómini. V. Tradidérunt córpora sua propter Deum ad supplícia. U t.

Lectio vi

Honorándi certe: et quidem ita, ut in eórum nómine templa Deo exstruámus, dona offerámus, memóriás eórum colámus, atque in iis spirituáliter

oblectémur: ea útiqúe lætítia, quæ illis arrídeat, a quibus invitámur, ne, dum demeréri illos studémus, offendámus pótius et irritémus. Quibus enim rebus Deus cólitur, iisdem servi quoque ipsíus oblectántur: quibus autem Deus offénditur, iisdem étiam mílites offendúntur. Quocírca in psalmis et hymnis et cánticis spirituálibus, in compunctióne quoque, et egenórum miseratióne, quibus et Deus potíssimum cólitur, nos qui fidéles sumus, cólere Sanctos opórtet. Státuas eis, et imágines quæ videántur, erigámus: immo virtútes eórum imitádo hoc consequámur, ut vivæ ipsórum státuæ imaginésque evadámus.

R. Tamquam aurum in fornáce probávit eléctos Dóminus, et quasi holocáusti hóstiam accépit illos; et in témpore erit respéctus illórum: * Quóniam donum et pax est eléctis Dei. V. Qui confídunt in illum, intélligent

veritátem: et fidéles in dilectióne acquiescent illi. Quóniam. Glória Patri. Quóniam.

In III Nocturno Homilia in Evang. Descéndens Jesus de Comuni plurimorum Martyrum 2 loco.

Ad Laudes fit Com. Octavae Omnium Sanctorum:

Ant. Te gloriósus Apostolorum chorus, te Prophetarum laudábilis número, te Mártyrum candidátus laudat exércitus; te omnes Sancti et elécti voce confiténtur unánimes, beáta Trinitas, unus Deus.

V. Lætámini in Dómino et exsultáte, justi. R. Et gloriámini, omnes recti corde.

Oratio

Omnípotens sempitérne Deus, qui nos ómnium Sanctorum tuorum mérita sub una tribuísti celebritáte venerári: quæsumus; ut desiderátam nobis tuæ propitiatiónis abundantiam, multiplicáti intercessóribus, largiáris. Per Dóminum.

In II Vesperis Com. sequentis diei infra Oct. Omnium Sanctorum:

Ant. Angeli, Archángeli, Throni et Dominatiónes, Principátus et Potestátes, Virtútes cælórum, Chérubim atque Séraphim, Patriarchæ et Prophætæ, sancti legis Doctóres, Apóstoli, omnes Christi Mártyres, sancti Confessóres, Vírgines Dómini, Anachoritæ, Sanctique omnes, intercédite pro nobis.

V. Lætámini, ut supra.

Oratio Omnípotens, ut supra.

Die 7 Novembris

In VII die infra Octav. Omnium Sanctorum

Commemoratio

S. Willibrordi Ep. et Conf.

Ad Vesperas

Ant. Sacérdos et Póntifex, et virtutum ópifex, pastor bone in pópulo, ora pro nobis Dóminum.

V. Amávit eum Dóminus, et ornávit eum. R. Stulam glóriæ induit eum.

Oratio

Omnípotens sempitérne Deus: qui es Sanctórum tuorum splendor mi-

rábilis; quique hodiérna die beátum Willibrórdum Confessórem tuum atque Pontificem ætérna beatitúdinis glória sublimásti; concéde propítius: ut, qui ejus mérita venerámur in terris; intercessiónis ejus auxílio apud tuam misericórdiam muniámur in cælis. Per Dóminum.

Ad Laudes

Ant. Euge, serve bone et fidélis, quia in pauca fuísti fidélis, supra multa te constitúam, dicit Dóminus.

V. Justum dedúxit Dóminus per vias rectas. R. Et osténdit illi regnum Dei.

Oratio Omnípotens, ut supra. 26*

Die 19 Novembris

S. Elisabeth Vid.

Duplex II classis

Omnia de Comuni non Virginum praeter ea, quae in Breviario hac die habentur propria.

In I Nocturno Lectiones Mulierem fortem de Comuni non Virginum.

Die 25 Novembris

S. Catharinæ Virginis

Duplex majus

Omnia ut in Breviario praeter ritum.

Die 26 Novembris

In Festo S. Silvestri Abb.

Commemoratio

S. Conradi Ep. et Conf.

In II Vesperis praecedentis Com. sequentis (S. Silvestri Abbatis):

Ant. Similábo eum víro sapiénti, qui ædificávit domum suam supra petram.

V. Amávit eum Dóminus, et ornávit eum. R. Stolam glóriæ índuit eum.

Oratio

Clementíssime Deus, qui sanctum Silvéstrum Abbátem, sæculi hujus vanitátem in apérto túmulo pie meditántem, ad erémum vocáre, et præcláris vitæ méritis decoráre dignátus es: te súpplices exorámus; ut, ejus exémplo terréna despiciéntes, tui consórtio perfruámur ætérno.

Deinde Com. S. Conradi Ep. et Conf.:

Ant. Sacérdos et Póntifex, et virtútum ópifex,

pastor bone in pópulo,
ora pro nobis Dóminum.

V. Justum dedúxit Dó-
minus per vias rectas. R.
Et osténdit illi regnum
Dei.

Oratio

Deus, qui beátum Con-
rádum Confessórem
tuum atque Pontíficem,
sánguinis generositáte
præclárum, vitæ sanctitá-
te et miraculórum vigóre
clariórem fecísti: concé-
de; ut virtútum ejus mé-
ritis, de ejus beneficiis
gloriémur, et a te, quod
nostræ fragilitáti suffra-
gátur, obtinére mereá-
mur.

Postea Com. S. Petri Alex-
andrini Ep. et Mart.:

Ant. Iste Sanctus pro
lege Dei sui certávit us-
que ad mortem, et a ver-
bis impiórum non tímuit;
fundátus enim erat supra
firmam petram.

V. Glória et honóre co-
ronásti eum, Dómine. R.
Et constituísti eum super
ópera mánuum tuárum.

Oratio

Infirmítatem nostram ré-
spice, omnipotens De-
us: et, quia pondus pró-
priæ actiónis gravat, beáti
Petri Mártyris tui atque
Pontíficis intercésio glo-
riósa nos prótegat. Per Dó-
minum.

Ad Laudes fit Com. S. Con-
radi Ep. et Conf.:

Ant. Euge, serve bone
et fidélis, quia in pauca
fuísti fidélis, supra multa
te constítuam, dicit Dó-
minus.

V. Amávit eum Dómi-
nus, et ornávit eum. R.
Stolam glóriæ índuit eum.

Oratio Deus, qui beá-
tum, ut supra.

Deinde Com. S. Petri Alex-
andrini Ep. et Mart.:

Ant. Qui odit ánimam
suam in hoc mundo, in
vitam ætérnam custódit
eam.

V. Justus ut palma flo-
rébit. R. Sicut cedrus Lí-
bani multiplicábitur.

Oratio Infirmítatem no-
stram, ut supra.

Feria III post Dominicam
diem 11 Novembris sub-
sequentem

**In Dedicazione
Ecclesiae Cathedralis
Budissinensis**

Duplex I classis cum Octava
communi

Omnia de Communi Dedi-
cationis Ecclesiae.

Feria III subsequenti

**In Octava Dedicacionis
Ecclesiae Cathedralis
Budissinensis**

Duplex majus

Index alphabeticus

	pag.
Catharinæ Virg., duplex majus. 25 Novembris	27*
Conradi Ep. et C. Com. 26 Novembris	27*
Dedicatio Ecclesiæ Cathedralis Budissinensis, duplex I classis cum Octava communi. Feria III post Dominicam diem 11 No- vembris subsequentem	29*
— — Octava, duplex majus. Feria III sub- sequenti	29*
Elisabeth Vid., duplex II classis. 19 Novembr.	27*
Gereonis et Soc. Com. 10 Octobris	14*
Hedwigis Vid., duplex majus. 16 Octobris	16*
Hildegardis Virg., duplex. 17 Septembris	5*
Lamberti Ep. et Mart., simplex. 25 Sept.	13*
Sacrarum Reliquiarum quæ in ecclesiis Diœ- ceseos asservantur, duplex majus. 5 Nov.	23*
Silvestri Abbatis, duplex. 26 Novembris	27*
Ursulæ et Sociarum Vv. et Mm., duplex. 21 Octobris	16*
Willibrordi Ep. et C. Com. 7 Novembris	26*

